

# U ponte biancu

Nantu à lu ponte biancu c'imbella à la mattina  
Un agnellucciu stancu, di corre la cullina  
È lu puntucciu sà  
Ch'ellu vene à circà  
Una ora à sunnià,  
Una ora à sunnià.

Nantu à lu ponte rossu fisca à la prima sera,  
Un vechju pettirossu, per una capinera  
È lu puntucciu sà  
Ch'ellu vene à circà  
Una ora à sunnià,  
Una ora à sunnià.

Nantu à lu ponte argentu, à la notte stellata,  
A volpe di u conventu, si face una affaccata  
È lu puntucciu sà  
Ch'ella vene à circà  
Una ora à sunnià,  
Una ora à sunnià.

Nantu à lu ponte d'oro, strappata la funetta,  
Un sumerellu moru, ci ronca una strufetta,  
È lu puntucciu sà  
Ch'ellu vene à circà  
Una ora à sunnià,  
Una ora à sunnià.